

四庫全書

經部

欽定四庫全書考證

經部

九 卷十

纂修官候補司業臣王太岳

臣曹錫寶

謄錄拔貢生臣張山菊

欽定四庫全書考證

卷十九

經部

爾雅注疏

羣經音辨

輶軒使者絕代釋別國方言

埤雅

爾雅翼

駢雅

別雅

說文解字篆韻譜

復古編

漢隸字源

古音駢字

古音駢字續編

爾雅注疏

音郭璞注

唐陸德明音義

宋邢昺疏

卷一

釋詁

鮮省音義省先郢反刊本先訛光據釋文改 又令類

疏令聞令望刊本聞訛問據毛詩改

腎強也音義其丈反刊本文訛文今改

卒泝音義或作碎刊本碎訛碎今改

亟屢疏大雅靈臺云匪亟其欲案匪亟其欲係文王有

聲篇文此誤引

卷二

釋言

兆域也音義本又作兆刊本兆訛兆據釋文改  
障畛也音義障知亮反刊本知訛如據釋文改

卷三

釋訓釋親

肝瘍為微注瘍創也音義創初良反刊本良訛良今改  
釋親疏聖人南面聽天下所且先者五刊本且訛最據

禮記改

卷四

釋宮

室中謂之時疏室中名時時然後動刊本室訛堂今改

卷五

釋天

春爲青陽注氣青而溫陽刊本青訛清今改

疾雷爲霆霓疏鈴鈴所以挺出萬物也刊本挺訛捷據

### 說文改

祭天曰燔柴疏禋之言煙刊本煙訛禋據周禮注改  
注旄首曰旄疏夏翟羽色刊本色訛名據周禮注改

### 卷六

釋地

釋地疏此篇釋地之所載四方中國州府陵數之異刊  
本陵訛沒據監本改

東方之美者有醫無閭之珣玕琪馬刊本玕訛玕據釋

文改

郊外謂之牧音義李本牧作田字釋云田敕也刊本敕

訛敕今改

卷七

釋水

淮為潁音義潁呼五反刊本呼訛字據釋文改

卷八

釋草

藟山蒜音義蒜西亂反刊本西訛而據釋文改

藟雀麥音義藟子若反刊本子訛子據釋文改

葵蘆

音義蘆郭音力何反刊本力訛方據釋文改



蕩竹音義大竹也刊本大訛人今改

蘗赤苗音義詩作康刊本康訛蘗今改

牆蘗蘗冬音義條谷山其草多芍藥蘗冬刊本多訛名

據山海經改

薜壯薜音義薜子旦反刊本子訛了據釋文改

簡茶中音義簡字或作慈刊本慈訛慈據釋文改

卷九 釋木

杭魚毒刊本杭訛杭據監本改

桃曰膽之音義膽丁敢反刊本丁訛下據釋文改

卷十

釋魚

鱣音義重千斤刊本千訛十據字林改

蝮虺音義虫一名蝮刊本虫訛上據字林改 又舍人

亦云蝮一名虺刊本亦訛一今改

卷十一

釋獸

釋畜

麋疏冬至解其角案冬至解角是麋非麋見

御諭此仍月令之訛

鼯鼠刊本鼯訛鼯據監本改

小頰盜驪疏北唐之君來獻騶馬刊本獻訛見據竹書

紀年改

爾雅注疏



羣經音辨

宋賈昌朝撰

卷一

行字部術行道也注審端經術原本脫審字據禮記增

卷二

目字部盲引視也注𠂔盲視而交𠂔案盲禮記作望與此異

卷四

水字部泥母高平亭也注方與縣東有泥母亭原本有  
記者據杜注改又淺送也注寅淺內日案淺今本

尚書作餞內作納

輜軒使者絕代語釋別國方言

漢楊雄撰  
晉郭璞注

卷一

虔儼慧也趙魏之間謂之黠或謂之鬼注言鬼𧈧也刊  
本𧈧訛𧈧據後卷改

𧈧刊本訛𧈧據爾雅改 又舊書雅記注雅爾雅也刊  
本爾雅訛小雅據下文改

凡怒而噎噎謂之脅閱注脅閱猶瀾流也刊本瀾流訛  
閱穀據後卷改

南楚江湘之間謂之𧈧刊本𧈧訛𧈧據說文及廣雅改

東齊海岱之間曰亟注欺草反刊本訛詐欺也據廣雅  
音釋改

凡物盛多謂之寇注俗謂之寇息刊本鳧訛也據陸佃  
釋雅所引改 又周鄭之間謂之假刊本假訛暇據  
爾雅改 又于通語也刊本語訛詞據前後文改  
抵傲會也刊本抵訛牴據廣雅改 又注觸牴刊本牴  
下行也字據後卷抵音觸牴刪

陳楚間謂之摸刊本摸訛模據永樂大典本改

凡取物而逆謂之篡刊本篡訛篡據爾雅說文及後漢



書注改

卷二

秦有榛娥之臺刊本脫秦有二字據永樂大典本增

顥鑠盱揚觶雙也刊本雙訛隻據廣雅玉篇及廣韻改

嬰刊本訛魏據說文及廣雅改 又凡細而有容謂之

嬰或曰徼注言徼徼也刊本徼徼訛徼徼據說文改

寄食為餉注餉其口于四方刊本其訛予據左傳改

馮斷苛怒也刊本斷訛斷據說文廣雅及玉篇廣韻改

鐫琢也刊本琢訛琢據說文改

朝鮮冽水之間曰葉禰刊本訛輸據玉篇改

卷三

斟協汁也注或曰瀋汁所未能詳刊本瀋訛潘據釋名改

南楚江湖之間謂之莽刊本莽訛莽又注嫫母反刊本脫反字今並改增

葭莢雞頭也刊本葭訛葭據廣雅反玉篇改

凡草木刺人北野朝鮮之間謂之策刊本策訛策據爾雅反廣雅改

詐通語也刊本語訛詐據永樂大典本改

諱罪也刊本諱訛諱據廣雅改

稠就也刊本稠訛相據說文及玉篇廣韻改

撲翕葉聚也注撲屬藪相著貌刊本藪訛葉據永樂大典本改

#### 卷四

其短者謂之短褸刊本短訛短據漢書注改

自關而西或謂之祇稠注亦呼為掩汗也刊本汗訛汀

據永樂大典本改

襦西南蜀漢謂之曲領刊本蜀訛屬據後卷改

約纒謂之禪刊本禪訛禪據玉篇改

袒飾謂之直衿刊本衿訛衿據釋名廣雅及玉篇改

繫袷謂之襦注即小兒次衣也刊本次訛次據說文及

玉篇改

小袴謂之袂刊本袂訛袂據玉篇及急就篇改

其偏者謂之鬢帶刊本偏訛遍據下注改

西南梁益之間或謂之屨刊本屨訛屨據廣雅及玉篇

改又徐土邛圻之間注今下邛也圻音祁刊本下

字訛在圻字下據永樂大典改

卷五

甌自闕而東謂之甌或謂之鬻注音岑涼州呼鈔刊本  
涼訛梁據爾雅注及廣韻改

盃謂之盃或謂之鉋銳注謠音刊本音訛語據後卷改  
海岱之間謂之儋注所謂家無儋石之儲者也刊本儲  
訛餘據晉書改

闕西謂之繡刊本繡下衍綆字據易左傳釋文改

飢刊本訛飲案飢古飼字據玉篇改



也刊本明訛明並據永樂大典本增改

凡物細大不純者謂之倭注言俄倭也刊本脫俄字據  
永樂大典本增

瘞注瘞埋刊本訛埋也據音注例改

指拚錯摩藏也刊本藏訛滅據廣雅及玉篇改

佚娒媼也刊本娒訛惕媼訛緩並據廣雅改

### 卷七

燕趙之郊縣物於臺之上謂之佻注了佻縣物貌刊本  
脫貌字據永樂大典本增

卷八

鸛鳴刊本鸛訛鳴據廣雅改

卷九

秦晉之間謂之釶或謂之鎮注音寅刊本脫音寅二字

據永樂大典本增

卷十一

北燕朝鮮冽水之間謂之螭蜎注齊人又呼社公亦言

罔工刊本罔工訛周公據廣雅及爾雅改

卷十二



追末隨也刊本末訛未據雅改

卷十三

康空也刊本康訛濂據爾雅改 又注康良空貌刊本

康良訛濂窘據說文改



埤雅

宋陸佃撰

卷一

音釋鱖布活刊本布訛市今改

卷二

音釋螭朴刊本闕朴字據葉茂叔本補

卷三

音釋褰似又刊本似又訛布刀據說文改

卷五

音釋斨刊本斨訛斨今改

卷十二

釋馬坐視膝立視足刊本立足二字互訛今改

卷十三

釋木橘條東海之鰔刊本鰔訛鰕據呂氏春秋改

爾雅翼

宋羅願撰

卷一

稷條稷又名齋刊本齋訛齋據玉篇改

麥條古者朝事之籩有麴糝刊本籩訛豆據周禮改

秬條肆師次宗伯固以糝鬻裸將為職刊本鬻訛鬻據

周禮改

卷二

江離條芎藭昌蒲刊本芎訛穹據文選改

靡蕪條綠葉兮素華刊本華訛枝據楚詞改

卷六

芋條廣志又言有君芋案本草所引廣志君下有子字  
音釋薨刊本薨訛亮今改

卷七

著條蓋龜人以春攻龜刊本攻訛政據周禮改

荏條下氣補血刊本血訛益今改

卷八

氏條五月乃氏乃者急氏之辭也刊本急訛治據夏小

正傳改

雅條今蒐蔚也刊本蒐訛荒據爾雅疏改

卷十

橘條后皇佳樹刊本佳訛喜據楚詞改

卷十一

檄條漢費長房教桓景令家人各作絳囊刊本桓訛巨  
據荆楚歲時記改

卷十三

雉條雌雄雉鳴也刊本雉訛雌據說文改

卷十四

倉庚條或謂之黃栗留刊本留訛流據詩義疏改

子騫條我見常再拜重是古帝魂刊本常訛獨魂訛魄

據杜工部集改

卷十五

燕條女脩吞之生大業刊本業訛葉據史記改

卷十六

音釋閭蒨也刊本蒨訛舊據爾雅注改

卷十七

音釋攸飛掌弋射刊本攸訛似據文選注改



卷十八

麟條叔孫氏之車子刊本車訛小據左傳改

兕條招魂稱君王親發分憚青兕刊本憚訛耽據楚詞改

卷十九

虎條古者山國用虎節刊本山訛出據周禮改

狼條其子獬刊本獬訛獬據爾雅改又口銜金鉤而

入湯庭刊本銜訛御鉤訛鈞據唐類函改

桃拔條烏弋有桃拔刊本烏訛馬據漢書改

卷二十二

音釋羸與騾同刊本騾訛螺今改

卷二十三

鼃條塘涌若鼃穴一堞之所能塞也刊本堞訛模據淮

南子改

卷二十四

蝮條虻蕭蘭刊本虻訛虻據爾雅改

蝮條蝮蟻蝮蝮刊本蝮訛蝮據爾雅改

尺蠖條合潏若背手文刊本背手二字互倒據周禮改

卷二十六

音釋挈音架刊本架訛帑據廣韻改

卷二十九

鰾條蛇鱸者卿大夫之服象刊本鱸訛鰾據漢書揚震傳改

鰾條鰾鮓出藏雅頭國刊本鮓訛鮓據說文改

卷三十

蚺條一名短狐刊本狐訛弧據唐類函改



駢雅

明朱謀瑋撰

卷四

釋器五御一鳴和鸞原本五訛六一下衍疏字又脫和  
鸞二字並據周禮註改刪增



別雅 鳳陽府訓導吳玉椿撰

卷二

倉囊戕囊注嚮卷倉囊刊本嚮卷二字互倒據莊子改

卷三

胡輦瑚璉注鄉師與其輦輦刊本輦訛輦據周禮改





說文解字篆韻譜

南唐徐鉉撰

卷二

蕭部𩺰注鮪魚名原本闕鮪魚名三字據說文補

麻部𣎵注担挹取原本挹訛悒據說文改

陽部𩺰注蘄禦溼菜原本菜訛反據說文改

戾部𩺰注刀劍緱原本緱訛師據說文改

卷四

御部𩺰注𩺰奠酒爵原本酒爵二字互倒據說文改

宥部𩺰注丞呪反原本呪訛祝據集韻改

卷五

沒部郎注阮石山戴土原本戴土訛載土據說文改

復古編

宋張有撰

卷三

上聲愴注時蹠也刊本時訛時據說文改

牘注牘所以支器也刊本支訛凡據說文改

卷四

去聲簡注箸飯敬也刊本敬訛歌據集韻改

跣注跣步行躡跋也刊本躡訛獵據說文改

訛注對應無方也刊本應訛膺據說文改

卷五

入聲攔注古作不刊本不訛本據說文改

卷七

形聲相類𠂔𠂔注常棣也刊本棣訛隸據爾雅改  
駢駢注馬色不純也刊本色訛角據玉篇改

卷八

形相類擊擊注擊手擊也刊本擊並訛擊據說文改  
𠂔𠂔注从二𠂔中収刊本収訛奴據說文改

卷九

聲相類禍禍注禍並惡驚詞刊本禍訛禍據說文改

漢隸字源

宋婁機撰

序

東京建武訖鴻都建安案以漢太學石經稱鴻都石經  
誤始於唐張懷瓘書斷而宋黃伯思東觀餘論晁公  
武石經考異等書因之今參考後漢書靈帝紀蔡邕  
傳陽球傳及洛陽伽藍記水經穀水注魏書北史江  
式傳漢之待制鴻都與刻石太學判然兩事亦判然  
兩地且蔡邕以刻鴻都學生被譴尤不可以邕正字  
書丹之碑歸之鴻都此序亦仍前人之誤

綱目

三體石經遺字為蔡邕書案魏齊王芳正始中立三字石經上距漢獻帝初平三年蔡邕之歿凡五十年此以三體石經為魏刻是也以魏刻石經為蔡邕書非也婁氏兼用酈道元蘇望二說故有得有失

卷一

成陽靈臺碑跋集古作堯母祠碑案今本集古錄無祠字又案廣川書跋作慶都碑

高朕脩周公禮殿記跋上狹下廣刊本訛作上下小據

金石錄及隸釋改

孔廟置卒史碑案隸釋卒史上有百石二字百石卒史之官見漢書儒林傳及兒寬傳注後漢書百官志注又考水經注作百夫吏卒三國志通典及閩里舊志俱作百戶吏卒與碑文異

韓勅造孔廟禮器碑跋祖庭記有威帝中年韓勅脩孔子墓碑當是此碑案隸釋所載韓勅數碑此碑載其脩造禮器後碑載其脩廟脩墓祖庭記所云脩墓碑即後碑也婁氏謂即此碑誤又案繁陽令楊君碑

陰亦有程勅刊本程訛柱據隸釋繁陽令碑陰跋改  
史晨孔廟後碑案牛運震金石經眼錄作孔宏碑

西嶽華山廟碑案唐徐浩古迹記云蔡邕書

西嶽華山亭碑案隸釋不著撰碑人名而古文苑以為  
衛覲作

樊毅復華下民租碑跋集古錄目作脩西嶽廟復民賦  
碑刊本脫賦字碑訛頌據集古錄增改又案古文苑  
聞人牟準魏敬侯碑陰文此碑又名增奠狀文為衛  
覲作



樊毅脩華嶽碑案古文苑及集古錄第二跋金石錄跋  
嶽下俱有廟字又案古文苑注碑文為蔡邕作

桐柏淮源廟碑案歐陽趙洪三家不注撰碑人名而古  
文苑以為王延壽作河南通志因之又跋延熹六  
年立案六年隸釋作元年此從集古錄金石錄及古  
文苑諸書

老子銘跋于時陳相邇韶演而為銘云云案水經陰溝  
水注云漢桓帝遣中官管霸祠老子命陳相邇韶撰  
文據此則碑非蔡邕文可知至杜詩所云苦縣光和

尚骨立苦縣指此碑光和指石經非謂光和年立苦縣碑也書苑金石錄隸釋及杜田杜詩注皆誤

孫叔敖碑跋固始令陂君架廟立碑未畢遷長掖太守期思縣宰段光刻石案長掖即長掖之異文考古文苑載此碑文云固始令段君為架廟屋立石銘碑即歲遷長掖太守及期思縣宰下文又云段君諱光字叔賢魏郡鄴人宋章樵注云一歲再遷蓋假太守之名以重縣宰之權張掖未嘗之任董道廣川書跋洪銛隸釋說亦同據此則立碑者即段君非陂君段君

為固始令時已銘碑後遷期思宰亦無未畢去縣事  
此跋誤以碑上殘段字為跋字又以期思縣宰連下  
段君諱光讀遂分立石刻石為二人事殊為舛誤

仙人唐公房碑跋在興元府太守郭芝脩廟為此碑案  
宋之興元府在漢為漢中郡漢時無興元名也此省  
漢中二字誤 又集古作公昉案博物志廣川書跋  
亦作公昉後漢郡國志又作公防此與華陽國志水  
經沔水注合

三公山碑跋在真定府元氏刊本元訛石據金石錄隸

釋及文獻輿地考宋史地理志改

司隸校尉楊君石門頌跋褒城縣北五里磨崖刊本城  
訛地據宋史地理志改

李翕西狹頌跋數有顛覆實隧之害刊本有訛至害訛  
患據金石錄及隸釋改 又翕勅衡官有秩李瑾案  
碑云勅書官有秩李瑾掾仇審曾鞏跋此碑云勅衡  
官掾仇審治東坂有秩李瑾治西坂又析里橋鄴閣  
頌碑云衡官仇審字孔信據此則是跋誤省掾仇審  
三字

李翁龜池五瑞碑跋脩峭巖之道刊本峭訛嶠據隸釋  
及本書下平聲五爻韻改案公羊傳峭之巖巖是文  
王之所避風雨者也文蓋用此

李翁析里橋郁閣頌案明馬理定此為蔡邕書 又跋  
集古錄目作李會案廣川書跋亦作李會

周憬功勲銘跋及得碑陰方知名憬案集古錄中有三  
跋兩云名不可辨一云名憬考會鞏金石錄跋尾及  
樂史寰宇記俱云太守名昕蔣之奇續武溪深詩碑  
自跋又云名煜並與此異

周憬碑陰跋縣昔號曲紅曲紅山名也刊本脫後曲紅二字據水經濤水注及金石錄增

溧陽長潘乾校官碑跋紹興十三年案十三單禧跋作十一此從隸釋

梁相孔耽神祠碑跋孔君自作歸藏之地案額題云孔君之神祠碑文又云其內洞房外則長廡則孔君自作神祠也此跋云壽藏仍隸釋之誤

酸棗令劉熊碑跋歐公不知在酸棗以為俞鄉侯季子碑案集古錄跋云俞鄉侯者不知為誰今考唐書宰

相世系表云臨淮劉氏出自漢世祖光武皇帝子廣陵思王荆荆子俞鄉侯平平生彪襲封唐書表即出歐陽氏手而此碑跋云不知俞鄉侯為誰似疎又蔡邕書刊本缺邕字據下王建詩補

謁者景君墓表跋東漢墓闕自路都尉始刊本缺路字據隸釋補

景君碑陰案以隸釋所載碑文考之此當是鄭令景君碑陰而金石錄以為謁者碑陰此仍其誤

鄭令景君碑陰跋元初四年立刊本初訛和據金石錄

金石畧及隸釋改

國三老袁良碑案碑述袁氏之先有云高祖破項實從其策集古錄云不知為何人今考史記高祖本紀三年漢王從袁生計出軍宛葉間唐書宰相世系袁生玄孫幹幹八世孫良據此則良即袁生之後歐陽氏熟於史記又與脩唐書而不知袁生為何人似疎又跋水經誤以良為梁案良梁二字古通用國策商子大梁造史記秦本記六國表商君傳白起傳俱作大良造史記梁孝王世家良山漢書作梁山星經史



記天官書王良漢書作王梁皆可為二字通用之證  
此以水經注為誤失考

長史武斑碑跋集古錄作漢斑碑以不知其姓氏也

案集古錄已改作武斑碑後跋云得別本模搨粗明  
云武君諱斑

平都侯相蔣君碑跋永興元年立案隸釋於此碑但云  
蔣君卒後所立金石錄目錄則作元嘉二年三月考  
碑文云蔣君元嘉二年三月卒於官又云禮畢祥除  
追述遺訓據此則立碑當在永興二年六月以後此

稱元年與趙稱元嘉二年俱誤

泰山都尉孔宙碑案金石畧於此碑前後重見前訛都尉為太守訛七年為六年惟兗州二字不訛後則都尉七年四字不訛又不知其所在而云未詳 又跋

延熹七年立案七年集古錄金石錄並作四年此從隸釋 又金石云孔北海父也案後漢書孔融傳父

仲太山都尉令以臧洪符融鄭太董卓袁紹諸傳及三國志魏武帝紀董卓臧洪許靖諸傳考之名仲者字公緒陳留人獻帝時為豫州刺史非孔融父也此

碑作宙與韓勅碑陰及三國志崔琰傳注合

荊州刺史庾尚碑跋在徐州湖陵荒野案陵隸釋作陸  
考後漢之湖陸即前漢之湖陵在趙宋為魚臺縣屬  
單州不屬徐州隸辨引此湖陵荒野上有隸釋云此  
碑在六字此本脫去

沛國楊統碑跋建寧元年立案元年金石畧作三年此  
從隸釋

衡尉衡方碑跋建寧元年立案元年金石錄目錄金石  
畧並作三年此從隸釋

淳于長夏承碑案元王惲定此為蔡邕事 又跋在洛

州案洛金石錄及隸釋並作洛

郎中馬江碑案郎中金石畧作中郎此從隸釋

真令劉脩碑案真集古錄金石錄金石畧隸釋並作慎

此沿宋諱

博陵太守孔彪碑跋金石云君諱彪字元上案碑文字

元上三字完好趙洪諸家知其諱彪者以韓勅碑陰

史晨後碑文孔彪元上為據也但彼二碑彪字作𩇑

此碑𩇑字亦隐隐可辨故闕里舊志作孔震亦因𩇑

字致誤金石錄諸書題以孔彪微與碑文不合

司隸校尉魯峻碑案碑文載隸釋與水經濟水注魯恭  
石壁畫象不同金石錄合為一碑誤也 又跋在濟  
州州學刊本濟訛齊據金石畧改又案金石錄云此  
碑為人輦至任城縣學隸釋亦云在濟州任城縣文  
獻輿地考濟州鉅野不治任城此跋云州學亦誤

玄儒婁先生碑跋熹平三年立刊本三訛二據集古錄  
金石錄隸釋改 又云南陽隆人案隸釋載此碑文  
隆下空一字者兩漢志南陽郡屬縣無名隆者集古

錄此碑跋云今光化軍乾德縣圖經載此碑文又云  
案圖求碑壽有墓在穀城界中隸釋亦云此碑在光化  
宋乾德穀城二縣在兩漢為陰縣地疑婁壽為陰縣  
人石碑縣字殘缺諸家又訛陰為隆耳

繁陽令楊君碑跋不知其名案唐書宰相世系表云楊  
震長子牧牧二子統馥據此則集古錄載沛相楊君  
碑即楊統也繁陽令楊君碑即楊馥也唐書表出歐  
陽氏手而集古錄不知楊牧二子之名似疎

太尉陳球碑案金石略云蔡邕文并書

安平相孫根碑跋唐韓蔡輩蓋得此案隸釋原文作唐  
韓擇木史惟則輩得此筆意考竇泉述書賦及杜甫  
李潮八分小篆歌史惟則精籀篆韓擇木蔡有鄰善  
八分疑此跋所引係洪氏改本

孫根碑陰跋碑有中軍督案碑文督下有郵字此蓋仍  
隸釋之脫誤

外黃令高彪碑案後漢書文苑傳云彪遷內黃令薦縣  
人申屠蟠等考申屠蟠傳蟠為外黃人非內黃人此  
碑云彪為外黃令與蟠傳合

太尉劉寬碑跋桓麟撰刊本桓沿宋諱作亘今據藝文類聚及金石錄改

劉寬後碑跋門生殷苞作刊本殷沿宋諱作商今據碑文改

梁相費汎碑跋孝孫字元宰刊本宰訛常據費鳳碑文改

高陽令楊著碑跋案震碑次子讓案唐書宰相世系表讓為震第四子與此異

楊震碑陰跋蓋後漢時人見於史傳無名兩字者案二



名之禁出於王莽漢書匈奴傳及莽傳有明文然考  
後漢書劉盆子廣宗王萬歲自有傳劉騊駼附其會  
祖齊武王績傳伏無忌附其高祖伏湛傳蘇不韋字  
公先附其從祖蘇章傳馬日磾字翁叔見馬融傳注  
張孝仲范特祖許偉康司馬子威諸人見郭太傳丘  
季智名靈舉見郭太傳注孔長彥季彥見其父孔僖  
傳王延壽字文考見其父王逸傳謝夷吾字堯卿見  
方術傳東郭延年字公游見方術傳注餘若樊志張  
冷壽光陳文矩劉長卿之倫指不勝屈武梁碑文云

孝子仲章季章立孝孫子儵躬脩子道父祖墓碑子  
孫無稱字之理歐趙諸家於漢碑二名必云字而非  
名蓋未深考

荊州從事苑鎮碑跋金石不載案苑鎮碑金石錄卷十  
九有跋語金石錄目錄卷二云第二百十苑鎮碑此  
云不載誤

先生郭輔碑跋無年月案水經沔水注作無年號與此  
異又隸釋是趙說案隸釋此碑跋云今碑有兩昭  
字晉人所諱疑此是魏刻是不全以趙說為是

雒陽令王稚子闕二跋後漢書循吏傳刊本脫後字今增

馮煥殘碑跋僅存永寧二年四數字餘皆磨滅案隸釋所載凡三十九字非僅永寧二年四數字也僅存上當脫碑末兩字餘皆磨滅當是下皆磨滅之訛

不其令董恢闕跋一云董恢琅邪人案後漢書循吏傳作董恢注引謝承後漢書又作僮种見本書上殺董韻

廣漢綿竹令王君神道跋建寧元年立案隸釋載此碑

止九字無年月金石錄謂建寧元年十月造者合劉讓閣道題字為一碑也此跋既辨趙錄之非而仍用趙錄年月似疎

石經尚書殘碑跋北齊徙于鄴都隋復載入長安案魏書孝靜帝紀北齊書文宣帝紀周書宣帝紀隋書劉焯傳洛陽伽藍記東魏武定四年移洛陽漢魏石經於鄴周大象元年復徙洛陽至隋開皇六年乃自洛陽運至長安此云自鄴載入長安者承隋書經籍志之誤也又案石經自洛陽徙鄴乃高澄執政時事隋

志云神武亦誤

費亭侯曹騰碑陰案通典謂獻帝建安初封曹操為費亭侯亭侯之制自此始今考亭侯起於西漢三國志蜀劉二牧傳注漢魏春秋云許負漢高祖封為鳴雌亭侯先主傳云中山靖王勝子貞元狩六年封涿縣陸城亭侯後漢書紀傳中如解瀆亭侯褒亭侯之類不可勝數曹騰為操之祖此碑云騰封費亭侯與後漢宦者傳三國志魏武帝紀水經陰溝水注文合可以正通典始于曹操之說之說

廣漢太守沈子瑤縣竹江堰碑案琚天下碑錄作璩與此異

鄭子真宅舍殘碑刊本宅舍二字互倒據隸釋改

都鄉正衛彈碑案都鄉即今坊廂孟郁脩堯廟碑云成陽都鄉高相里宋宗慤母墓誌云涅陽縣都鄉安衆里秣陵縣都鄉石泉里是也漢志有都鄉侯見後漢書梁統皇甫嵩孫程單超呂強張讓等傳及三國志吳孫賁傳其都鄉正見此碑及水經泚水濁水二篇注歐陽氏於宗慤母誌不知都鄉之制洪氏於此碑

又不悟衛彈當作街彈而強解正衛二字之義因具  
釋之又跋隸釋作衛彈以金石作街彈為誤案周  
禮地官里宰以歲時合耦于耒鄭注耒者里宰治處  
也若今街彈之室賈疏漢時在街置室檢彈一里之  
民此碑文云優恤民隱為之立約劉熊碑亦云愍念  
烝民為作正彈並與周禮里宰文義相近金石錄不  
知援引注疏固疏隸釋乃據誤本水經注改街為衛  
更誤

武梁祠堂畫象案金石錄但稱武氏此題武梁者從隸

釋也考武梁碑立於桓帝元嘉元年在明帝後而畫像題魯莊公不避明帝之諱又有李善像以後漢書獨行傳考之善為東漢初人則此祠乃武梁先世非武梁也

四老神位神祚机案文章緣起有漢惠帝四皓碑高士傳亦云高車山上有四皓碑及祠漢惠帝所立據此則碑立於西漢初與趙洪諸家說異又跋驗其字畫蓋東漢時書刊本脫驗其二字據金石錄增

南陽太守秦頡碑跋中平三年立案天下碑錄金石畧



作熹平五年此從隸釋 又猶有九十餘字刊本九  
訛八據隸釋改

司空宗俱碑跋列傳轉寫為宋誤也案後漢書均本傳  
及明帝紀循吏傳並訛作宋均賴有南蠻傳存其原  
文宗資之非宋資有皇甫規傳范滂傳趙彥傳可證  
宗俱之非宋俱有靈帝紀可證通鑑於宗均宗意宗  
資宗俱四人宗宋二姓錯見獨通鑑目錄不訛又徧  
考各史如後漢之宗慈蜀之宗預宋之宗慤宗越宗  
炳宗或之南齊之宗測宗元卿梁之宗夬周之宗懔

唐之宗楚客本傳俱云南陽人參考姓苑元和姓纂  
唐書宰相世系表廣韻通志氏族畧姓氏急就篇皆  
同別有兩宋均一字文平新城人晉使持節征南將  
軍新城西山東有均碑太始三年十二月立見水經  
伊水注晉書文帝紀一為鄭康成弟子濟南人魏博  
士後為河內太守注識緯序詩譜撰帝譜世本見晉  
書徐苗傳隋唐經籍志唐會要冊府元龜玉海其宋  
意則荆卿高漸離之友見淮南子秦族訓宋玉笛賦  
水經易水注陶潛詠荆軻詩後漢宗均傳之轉宗為

宋蓋因此而誤也但袁宏後漢紀水經淮水注魏書  
高祐傳皆作宋均而唐張說撰宋璟遺愛頌直以均  
為璟之遠祖則宗之訛宋其來已久趙洪諸家援引  
疎畧因詳識於此

太丘長陳實壇碑跋非蔡邕書案金石錄作非蔡邕撰  
魏大饗碑跋魏文帝以延康元年辛譙案延康為漢獻  
帝年號隸釋誤為魏文帝年號而議其自用正朔不  
考後漢書獻帝紀三國志魏文帝紀之故也 又碑  
字有不明者刊本脫字字據隸釋增

魏公卿上尊號奏跋延康元年立案延康集古錄作黃  
初考碑文及三國志魏文帝紀當是奏在延康而黃  
初刻石 又今人為鍾繇書案古文苑載聞人牟準  
魏敬侯碑陰文曰魏羣臣上尊號奏鍾元常書據此  
則衛覲作文而鍾繇書之唐人傳為梁鵠者誤

魏受禪表跋世傳為梁鵠書云云案聞人牟準魏敬侯  
碑陰文云魏受禪石表文凱八分書也據此則衛覲  
作文而自書之集古錄所舉二說及劉氏嘉話並誤  
魏脩孔子廟碑跋黃初元年立案三國志魏文帝紀在

二年與此異

范式碑跋漢獨行傳案當作後漢書獨行傳此訛脫後書二字 又唐李嗣真作書後品云刊本脫後字據隸釋及唐書宋史藝文志增

張平子碑跋水經云是崔瑗之辭案金石錄目錄載張平子碑有四一為崔瑗撰其文載古文苑有云數術窮天地制作侔造化與後漢書張衡傳贊所引崔瑗語合歐陽氏所云真子玉所作是也一為夏侯湛撰其文載隸釋有云金匱玉版之奧識契圖緯之文罔

不該羅其情趙氏所云湛不知平子因力闢識緯之人是也字源載此碑係湛作與瑗無涉乃合而為一誤

卽中王政碑案卽中金石畧作中卽此從金石錄及隸續

平輿令薛君碑跋延熹六年立案六年金石畧作五年此從金石錄

司徒掾梁休碑跋建安二十七年立案後漢書獻帝紀三國志魏文帝紀建安二十五年三月改元建康此

云建安二十七年黃龍甘露第二碑云建安二十六年蓋吳蜀之辭

防東尉司馬季德碑跋故山陽府卒吏刊本脫府字據  
隸續增

中山相薛君成平侯劉君斷碑跋古無兩人共立一碑  
者惟此爾案隸續所載此碑蓋紀述薛劉二君平寇之  
功與廣漢屬國卒李造橋碑相類趙氏疑為墓刻而  
云古無兩人共立一碑者誤也又成平侯劉君即漢  
之王子侯趙以為成平侯相亦與碑額不合

新莽侯鉦跋地皇二年作案鉦銘本云新始建國地皇上戊二年與宋韓縝家銅斗銘新始建國天鳳上戊六年相類天鳳地皇仍繫以始建國者猶王莽傳所云一郡至五易名而還復其故吏民不能紀每下詔書輒繫其故名也此刪去始建國三字誤

司農劉夫人碑跋漢太尉許或之室也案或後漢書靈帝紀劉陶傳作馘宋吳處原青箱雜記又作馘均與此異又隸續載復齊刊本續訛釋令改

漢平陽府君叔神道跋隸續止載平陽府君叔神六字



刊本續訛釋今改

祝長嚴訢碑案隸續云祝下蓋闕其字 又跋和平元年立紫金石略作元嘉元年此從金石錄

魏三體石經左傳遺字跋魏正始中刻碑案以三體為  
魏石經說本衛恒酈道元杜甫張舜民邵伯溫黃伯  
思趙明誠洪适諸人允稱定論下所引蘇望語指三  
體者為漢石經則范曄江式楊銜之竇蒙之誤說也  
婁氏未能駁正 又凡八百一十九案歐陽棐集古  
錄目作八百二十九字與此異 又范史紀曰五經

蔡邕張馴傳則曰六經案後漢書盧植傳宦者呂強傳儒林傳序羊欣筆法鄒道元水經穀水注並作五經與靈帝紀合隋書經籍志則云後漢鐫刻七經與此又異

魏大饗記殘碑跋隸續云饗借作嚮案碑文云文王大饗之隸續云書饗作嚮或是假借本書上聲養韻云大嚮記殘碑或是假借作饗此跋語意不明因附錄於此

司空孔扶碑案金石略天下碑錄作司農孔峽與此異

魯峻斷碑陰案魯峻碑陰今存其碑式與隸釋所載全異蓋洪氏以他碑為峻碑也此仍其誤

王稚子二闕畫像跋卒於元興元年刊本元年二字互倒據後漢書和帝紀及循吏傳改

沛相范皮闕案圖經作沛相范伯皮闕輿地碑目作沛國范伯友墓石闕並與此異

成臯令任伯嗣碑跋熹平七年立案金石錄金石略並作延熹五年與此異

馮君開道碑案開道隸辨作閣道與此異

文範先生陳仲弓殘碑跋碑之立當在中平三年案後漢書陳寔傳寔卒於中平四年與碑異

公乘校官掾王幽題名跋永熹元年立古無此年號案洪适疑碑文永熹為少帝光熹之誤史慶長又疑為冲帝永嘉之誤今考後漢書左雄傳有牧守畏慄莫敢輕舉迄於永熹察選清平多得其人之語似冲帝年號本是永熹而冲帝紀及五行志作永嘉乃司馬彪范蔚宗之誤

黃龍甘露碑跋黃龍見武陽赤城案赤城三國志蜀先

主傳作赤水與此異 又隸續云刊本續訛釋今改  
繁長張禪等題名案輿地碑記目作浮蘭碑

孟郁堯廟碑陰跋此碑皆載仲氏父祖兄弟子孫所歷  
所終之官刊本脫氏字據隸辨增

貞女羅鳳墓闕刊本貞訛草據隸續改

种氏石虎刻字刊本闕种字據隸續補

尉府壺壁塼文刊本壺訛靈據金石錄及隸續改

卷二 上平聲

一東梵注衛彈碑梵梵忝稷義作蓬案衛彈當依金石

錄作街彈又案隸釋梵即芄字此釋作蓬亦誤

豐刊本豐訛豐今改

鄴刊本鄴訛鄴今改

三鍾造案羊竇道碑造守成都造即徙字此作從誤

四江僅刊本闕此字據魯峻石壁殘畫象小史騎持僅

句補

五支亟注張休崖渙銘刊本崖訛涯據碑目改

隋注其祀隣廢案隋即隋字韻會墮亦作隋此釋作隨

誤

麋案王純碑閔其粥麋凍餒之患麋即麋字本書脂韻  
釋作麋是也此釋作麋誤

畀案校官碑畀誅曰蓋即畀子之畀此釋作卑誤

六脂絳刊本訛締案妻壽碑麓絳大布之衣蓋碑文變  
希為希也今據改

泥注以夫子為仲泥狎侮之罪刊本侮訛悔據隸釋改  
七之芝刊本訛芝據夏承碑東萊府君之孫改

偲案周憬功勲銘開切偲今導曲机偲即偲字本書上  
殺董韻釋作偲是也此釋作偲誤

爾案北海相景君銘爾曰爾甲亂字本書去聲韻釋作亂是也此釋作辭誤

基注外黃令碑史字叔德東海沉基人案沉基二字出魯相謁孔廟殘碑此及入聲屋韻沉字並標外黃令碑誤又案祝其之其字書韻書並音基此讀基為其亦誤

八微飛注義皆作非刊本脫義字今增

帑刊本訛作希據繁陽令楊君碑陰功曹史魏希句改睇案楊統碑睇嚴霜則畏辜戮其字從目此與日旁之



睇合為一字誤

頌案繁陽令楊君碑頌不審真莫肯慰揚依文義頌字當音懇列上聲很韻此讀如本字編入微韻誤

九魚數案仲秋下旬碑有歟數二字即嗚呼之異文此以數作歟誤

斜注白虎辟邪主斜道案邢碑文本作邢邢即酉此作邢誤

十一模園注逢盛碑制中國橈案園碑文作園後漢書孔融傳注園即利字莊子齊物論釋文園音利圓也

當列歡韻此作因釋作模承隸釋之誤

十二齊顯注樊敏碑顯卽傑立義作提綱案碑文濯冕  
題卽為一句傑立忠謇為一句此失其句讀因釋題  
作提釋卽作綱誤

稽刊本訛稽據史晨奏銘觸期稽虔句改

十三佳沂注孔彪碑永永無沂義作涯案漢書敘傳張  
良受書於邳沂注沂音牛斤反當列欣韻此釋作涯  
編八佳韻仍隸釋之誤

十四皆稽刊本訛稽據桐柏碑改

十五灰崋注即崔字案崋即唾字玉篇音朶當列上聲  
果韻此作崔編入平聲灰韻誤

俚注景君碑戲教僅佻義作俳案仁即低字本書齊韻  
釋作低是也此作俳誤

十六咍材注材不及孫卿孟軻與纔同案材碑文當即  
材質之材此釋作纔誤

十七真辰刊本訛辰據孔龢碑六月甲辰句改  
賓案衡方碑經常伯之賓賓即寮字此作賓誤

儻注孫根碑無猾不儻義作賓案以說文及禮記文王

世子釋文證之儋即攢字此釋作賓仍隸釋之誤

栢案張公神碑鄭栢伯林栢即彬字本書下平聲侵韻  
釋作栢是也此作彬誤

十八諄脩注自都昌台丘遲而下十九人刊本脫台丘  
遲三字據景北海碑陰增

二十文办案羊竇道碑治狀办明办即辨字此作分誤  
汙注張納碑汙汙義作紛紜案文選長楊賦注汙汙衆  
盛貌與紛紜義微別

二十一欣圻案楊統碑德以化圻孫根碑圻甫考績圻

即畿字當列微韻此作圻編入欣韻誤

二十三魂湓刊本訛溫據魯峻碑內懷湓潤句改

二十四痕恩刊本訛恩據史晨奏銘臣蒙厚恩句改

恩案費鳳碑從善遷惡惡即惡字此作恩誤

二十五寒翰刊本訛翰據鄭列碑改

雉案孔耽神祠碑放龍羅之雉雉即雉字此作難誤

二十六歡同刊本訛同據北海相景君銘四海同蓋句  
改

二十八山仙注嚴訢碑仙逋比迹義作山案仙碑文當

讀本字此作山誤

卷三

下平聲

一先六案孔宙碑於六時雍蓋即尚書於變之異文此作天誤

二僊漏注孔彪碑無漏無黨蓋借用案碑从亻作偏與書經文無異此从亻作徧而云借用誤

舩案魏大饗碑舩舩緣撞與西京賦烏獲扛舩都盧尋撞文合又參考說文玉篇文選注則舩舩扛為一字此以舩為舩誤

三蕭鵬注尉氏令鄭君碑放鵬與鵬同音案碑文殘缺  
放鵬上尚有虞字可辨蓋用舜放驩事韓愈遠遊  
聯句開弓射鵬咬王應麟謂是古文尚書驩兜字又  
管子鵬然若鶩之靜亦即驩字惟因碑文丹旁作舟  
隸釋遂讀鵬為鷗謂碑用趙簡子放鳩事此仍其誤  
麓案無極山碑殘句有此字當即堯字說文堯高也白  
虎通堯猶嶢也至高兒是堯有堯字之義不必改堯  
作堯此誤

四宵譙注楚師伐陳刊本伐訛代據左傳改

僞案馮煥詔僞輕狡獨僞即僞字玉篇僞狡輕迫也此作僞誤

鴉案北海相景君銘鴉梟不鳴鴉即鴟字此書作鴉因釋作鴉誤

摘案平都相蔣君碑光光橋橋即矯本書上聲小韻釋作矯是也此作橋誤

高注司空高玄寶太尉橋公蓋借用也案喬橋二字相通詩釋文喬木本亦作橋橋松本亦作喬非借用也又案唐書宰相世系表通志氏族畧並云後周文帝



命橋字去木為喬蓋亦因二字相通之故

七歌多案議卽元賓碑多疇宗親多卽朋字本書登韻  
釋作朋是也此作多誤

九麻假注卽遐字紫華山廟碑孔羨碑遐字亦作假本  
書入聲陌韻作格誤

躬注百十五刊本五訛六案此引戚伯著碑文于碑目  
為百十五今據改

邪注李氏鏡銘白虎辟邪主除道義作邪案說文邪古  
文酉邪為秋門碑云辟邪卽辟門之義此以邪為邪

仍隸續之誤

十陽仿注說文併船也刊本船訛舡據說文改

芒案西狹頌隄芒促迫芒即策字與窠同本書入聲陌韻釋為窠是也此作芒誤

芒案馬江碑故塋迫芒亦即窠字此作芒亦誤

場案繁陽令楊君碑爰集疆場場即易字此作場誤

梁注說文梁梁米名或从禾案說文未嘗合梁梁為一字亦不云梁字或从禾此所引蓋誤又今梁汜蓋

姓也字却从米案范雲州名詩云逸豫誠何事稻梁

復宜敦可為梁梁二字通用之證

置注義作疆刊本疆訛疆今改

十一唐蜀注樊敏碑題蜀傑立義作綱案碑文正用題  
剛二字丁魴碑化洽剛柔亦書蜀作剛此以蜀為綱  
與上平聲齊韻以題為提同誤

十四清晶刊本訛晶據北海相景君銘晶白清方句改  
十五青寔案嚴訢碑有寔寔二字即寔字此作寔誤  
十六蒸水案西狹頌若涉淵水乃用周書大誥文此以  
水為冰誤

鷹注郭仲奇碑鷹侍電數義作膺案碑文與張表碑鷹振霆擊句相同正作鷹字此作膺誤

十八尤擾注石經論語擾而不輟案隸釋載石經無而字此仍東觀餘論廣川書跋之誤

嚙注孫叔敖碑優嚙樂業即游字案說文嚙喜也爾雅繇喜也郭注禮記曰詠斯猶猶即繇也又荀子優猶知足漢書敘傳陸子優繇據此則碑云優嚙即優猶優繇之異文此以嚙為游仍隸釋之誤

曙注帝曙官綏策義作籌案曙隸釋作疇與此異

十九侯蜚注東海廟碑刊本脫東字據碑目增 又今

張君碑文又借蜚字案說文螽古文作蜚詩釋文螽  
本作蜚螽蜚本一字此云借用誤

二十一侵𡵿案景北海碑陰留𡵿字漢興𡵿即赤字此  
作𡵿誤

二十二覃覲注即耽耽字案周易釋文作耽耽字从目  
此與从耳之耽合為一字誤

二十三談儋注俗用擔字刊本擔訛儋今改

二十嚴嚴注孫根碑刊本根訛根據碑目改

二十九凡校注集韻云木名皮可為索案碑以校字與  
粗榦邊禁並稱自是禮器非木名也校疑溢之異文  
此引集韻釋之仍隸釋之誤

卷四 上聲

四紙紙注其先季友刊本友訛文今改

五旨美案靈臺碑陰主吏仲美字叔武美即莽字有唐  
公房碑王美居攝二年文可證本書蕩韻釋作美是  
也此作美誤

比注張休崕涖銘刊本崕訛涖據碑目改

六止紉案孫叔敖碑去不善如絕紉紉即弦字此作紀  
仍隸釋之誤

八語柜刊本闕此字今補

櫨注袁良碑或適齊櫨義作楚案碑文櫨即櫨字本書  
馬韻釋校官碑櫨字作櫨是也此作楚仍隸釋之誤  
櫨注樊敏碑或居于櫨義作楚案櫨楚非二字此云櫨  
義作楚誤

九虞拊注遼盛碑拊育孩嚶義作俯案碑文拊即拊循  
之俯與撫同義此作俯誤

十四賄罪刊本訛罪據孔斂碑改

十六軫敵案孔宙碑南敵孔饁敵即敵字有費鳳碑敵直一金文可證此作敏誤

二十阮莸注王元賓碑莸陵義作宛案王元賓碑陰云河南苑陵考漢書地理志河南郡有苑陵縣後漢書郡國志作莸陵其苑陵縣則屬丹陽郡此云莸義作宛仍隸釋之誤

二十一混緄注義皆同衮刊本脫義字今增

平案張納功德叙平顯其光本書上平聲脂韻釋為丕



是也此作本誤

平案劉熊碑相繼平顯劉衡碑奕世平承平平皆丕字  
此作本誤

二十二很此字無隸文蓋是書全依禮部韻畧標韻之  
序而此韻內無隸碑應載之字故祇存其目

二十三卑侃刊本訛侃據衡方碑閭閭侃侃句改

二十四緩滿刊本小注一字闕案堯廟碑有滿而不溢  
句于碑目為第一今據補

二十六產爻注省文為剡案文義蓋謂爻為剡之省文

隸釋所云刻省其力也但廣雅戈傷也通志六書畧  
戈擣傷也則戈刻本一字

二十七銑真案唐扶頌底寃羣真本書去聲號韻釋作  
奧是也此作典誤

典刊本訛典字據劉脩碑並與干城句改

二十八彌辯案脩華嶽碑辯于羣神辯即尚書徧字當  
列去聲線韻此作辨編入上聲彌韻誤

三十小僞案馬煥詔僞輕狡徧僞即僞字此作慄誤與

下平聲宵韻同

三十一巧爪刊本訛爪據鄭固碑出入爪牙句改

三十六養甫刊本訛肅據周憬功勲銘乾此剖今建甫  
儀句改

邱注史記殷本紀刊本殷沿宋諱作帝今改

三十七蕩潁案張表碑潁渠未合蓋借潁為規此作潁  
誤

三十八梗熇注熇煥彌光義作炳案熇即熇字與蒸同此  
作炳誤

血案史晨奏銘書著紀蓋與公羊傳注血書飛為赤鳥

語相同此作四誤

四十四有𠂔案謁者景君墓表殘句有𠂔枉二字本書

黝韻從隸釋謂𠂔義作糾是也此作玖誤

阜案袁良碑字阜卿阜即厚字此作阜誤

四十五厚𠂔案徐氏紀產碑田一𠂔即町字此作畝仍

隸釋之誤

什案巴官鐵盆銘三百五十什什即斤字此作斗誤

四十七寢斲刊本訛斲據吳仲山碑斲食空手句改

五十五椀注遙盛碑制中國椀蓋模範字案椀即範字

因則作園讀利此作園讀模誤與上平聲模韻同

卷五 去聲

一送栢注益州有栢棟縣刊本棟訛煉據說文改

三用奉注皆用亦作字案徐鉉說文新脩字義云俸本只作奉後人加亅此以俸為奉之本字誤

六至佩案費鳳碑殘句有佩字與則德協韻蓋即宿離不貸之貸義與忒同此作貳誤

八末氣刊本訛氣據靈臺碑神靈精氣句改

九御驟刊本訛鶻據校官碑驟章南昌句改

十遇柱注郿閣頌緩源漂疾橫柱於道義作注案柱柱  
二字通用有集韻可證此以柱為注仍隸釋之訛

十一暮銅注鄭固碑呂疾銅辭義作固案銅疾二字漢  
書賈誼傳亦有之此云義作固仍集古錄之誤

十二霽隸案漢碑隸字皆从条無从隶者此載王純碑  
隸字从隶誤

十三祭浦注陳球後碑蓋周存六代媽浦繼虞建國于  
陳即汭字案以左傳史記考之本書上聲緩韻釋浦  
為滿是也此作汭誤

衛案李翊碑衛侮鎮戎濤即禦字本書上聲作禦是也  
此作衛誤

十四泰沛注邴閣頌波濤沛義作霈案廣雅滂滂沛  
沛流也此云義作霈誤

十九代再案仲秋下旬碑嘉再卓然再即稱字有玉篇  
可證此作再誤

差案景君碑陰濟北差平差即漢書地理志差字此作  
在誤

二十五願券案魏元丕碑施舍弗券券卽倦字从力不

从刀本書線韻釋作倦是也此作𠂔誤

二十八翰鄭案唐扶頌黔首鄭康鄭即歡字本書平聲  
歡韻釋作歡是也此作歎誤

二十九煥暎注魯峻碑暎矣的三字俱易火以日案  
山海經暎璽國在崑崙墟廣雅的明也注的音的暎  
的二字俱有所出此云易火以日仍繇釋之誤

莒案綏民校尉熊君碑殘句有莒字依文義即莒字此  
作筭誤

三十諫閭案戚伯著碑調閭沛土官即官字本書上平



聲歡韻釋作官是也此作官誤

三十六效數刊本訛數據孔斂碑政教稽古句改

三十七號疏注獨柳子厚鏡歌屈贊猛云云案贊爾雅作贊唐人避太祖諱作贊或作贊或作贊音黃練切與號賦二字無涉

四十禡赦刊本訛赦據魏上尊號奏大赦天下句改

四十一漾按案周憬功勳銘收帥壯夫收即誤字此作將誤

四十二宕臧注臧當作藏案藏字作古臧此以臧為誤

字失考

四十九宥疚注四九刊本闕此二字據碑目第四十九  
袁良碑補

五十五豔定注隸釋云宐字刊本宐訛宐今改

襜注外黃今高君碑刊本脫令字據碑目增

卷六 八聲

一屋沐案沐音述水名也楊震碑陰有魏郡沐季興以  
廣韻通志考之有沐姓無沐姓碑蓋借沐為沐

逮案楊統碑勲逮菲矣繁陽令楊君碑並上絕逮皆迹

字本書昔韻引楊統碑文從隸釋作迹是也此作速誤

睦案周憬功勲銘臚睦不相知又睦老唱兮臚人歌即臚睦兩字本書上平聲模韻釋臚字不誤此以睦為睦誤

況注外黃令碑東海況基人案況基二字出魯相孔廟殘碑此云外黃令碑誤與上平聲之韻同

勛注鄭固碑忠臣自勛義作愔案勛即勛字此作愔誤三燭續案度尚碑續莫匪嘉續即續字此作續誤

五質來注獨柒字鄙俗無它訓案柒木見山海經柒里  
見管子柒十士見墨子柒縣柒渠柒溪見水經注此  
以為鄙俗非

甯注郭旻碑洪纖甯舉義作必案古文尚書攸受休畢  
畢作甯說文一之日甯發甯作畢甯畢二字通用此  
以甯作必仍隸釋之誤

史刊本訛垂據嚴訢碑發憤受夷改

十月越刊本訛赴字據孔羨碑遐夷越險阻而來賓句  
改

十二曷斛案吳仲山碑約身剛已剛即彫字有玉篇集韻可證此作割誤

十三末杀案李翊夫人碑三五杀今裏左姬即七字此作末仍絲釋之誤

沫刊本訛沫據穀阮神祠碑揚波跳沫句改

十八藥縛刊本訛縛今改

的注魯峻碑喚矣的的三字俱易火以日刊本脫火字  
據去聲換韻注增

杓案楊君石門頌奉魁承杓杓字當依史記天官書漢

書天文志注音標列平聲宵韻此編入藥韻誤

二十陌覃注孫叔敖碑收九覃之利去水從省案覃即  
臯之俗體後漢書馬援傳注謂成臯丞印臯字為四  
下羊顏氏家訓亦云臯分澤外世俗書也此碑覃字  
與范鎮碑臯字韓勅碑陰臯字相近當列下平聲豪  
韻隸釋以為澤字省文此因編在入聲陌韻並誤

二十二昔亦刊本訛六據鄒閎頌亦莫儼象句改  
易注義皆作奕案李翊碑奕世載德本作奕不作易楊  
震夏堪二碑又正用易字此云義皆作奕並誤

辟注費鳳別碑諸姑咸辟踊義作躡案文義以躡為擗  
與躡無涉此仍隸釋之誤

二十三錫殷案馮煥詔掩卒搗殷殷即數字此作擊誤  
二四四職識注樊毅脩華嶽碑周禮識方字案爾雅識  
黃蔭夏小正作識顏氏家訓作識蓋識職二字通用  
二十五德勅案楊統碑勅銘鴻勳勅即槩字說文槩刻  
也碑蓋以勅為槩又易刀旁為力旁此作勅誤

二十六緝邑刊本訛邑據韓勅碑復顏氏開官氏邑中  
絲句改

二十九葉葉注郭輔碑葉葉昆嗣義作葉案葉即華字  
有類篇可證此作葉誤

三十二洽格注音洽案集韻格椿木名亦作合昏格與  
合同音當列二十七合韻中此音洽編入洽韻誤

附字

卅字注德惠攸長案攸史記作脩容齋隨筆引史記亦  
同此本張微所錄始皇碑文攸即脩之省文張表碑  
雅藝攸載婁壽碑攸春秋可證 又每稱年者輒五  
字一句非也刊本脫一字兩字 又嘗見泰山詞石



本則書為廿有六年刊本詞訛祠廿訛世並據容齋  
隨筆增改



古音駢字

明楊慎撰

卷上

一東封隆注豐隆雲師也案唐韻作靈靈雷師又案玉篇豐隆雷師俗加雨並與此異  
鞠窮注左傳案窮左傳作窮

卷下

十二震目眈注以目通指曰眈案眈公羊傳作眈  
十一陌常岐注常伯說文引書刊本書訛詩今改



古音駢字續編

武進莊履豐莊昂鉉全撰

卷一

五微鳩磯注鳩老蛟也案玉篇蝶鳥如雞赤足與此異  
十灰三賁注三足賁三足龜也案爾雅鼃三足能龜三  
足賁與此異

卷二

二蕭守濯原本濯訛濯據玉篇改又案周禮作桃  
四豪齊蠱案說文一作齊蠱

卷三

二十哿醯醢原本醯訛醢醢訛醢據玉篇改

卷四

十六諫諂冊原本冊訛媼據玉篇改

